



CENTRALE BANK VAN ARUBA

**PRESS RELEASE\***

September 29, 2017

Awe Banco Central di Aruba (BCA) ta publica su **Operational Report 2016**. Den e publicacion aki BCA ta presenta un resumen di su mandato y su obhetivonan principal manera stipula den e Ordenansa di Banco Central, como tambe su marco strategico pa implementa su plan strategico “*Bela yen: Nos Plan Strategico 2016-2020*” (Bela Yen). Den e raport anual aki tambe ta subraya e desaroyonan mas importante den e sector monetario, e sector financiero, como tambe e sistema di pago, hunto cu e actividadnan operacional principal ehecuta door di BCA durante 2016. Adicionalmente, e ta contene un resumen financiero relaciona cu e operacion administrativo di BCA den 2016.

Algun di e desaroyonan mas importante cu a tuma lugar den 2016 ta como lo siguiente:

- Un logro importante pa BCA den 2016 ta e lansamento formal di su plan strategico “*Bela Yen*”, den cual BCA ta delinea **su ambicionnan strategico como tambe e resultadonan planea pa e periodo 2016 – 2020**.
- Den e cuadro di maneho monetario, e Comision di Maneho Monetario (CMM) di BCA a reuni ocho biaha durante 2016 pa revisa e indicadornan monetario y economico pa asina implementa su instrumentonan monetario na un forma efectivo, na momento cu desaroyonan economico ta rekiri tal accion. Durante e reunionnan menciona, e CMM a dicidi di no trese cambio den maneho monetario di BCA, manteniendo e **tasa di “reserve requirement” na 11.0 por ciento** en bista cu e indicadornan monetario y economico a keda na un nivel adecua durante 2016.
- E **reservanan internacional di BCA a permanece riba e nivelnan apropiada**, apoyando asina e regimen di tasa di cambio fiho di nos florin cu e dollar Mericano.

---

\* E publicacionnan di Banco Central di Aruba tambe ta disponibel riba su website [www.cbaruba.org](http://www.cbaruba.org).

- Ehecucion estricto y consistente di e ley- y regulacionnan di supervision durante transcurso di añanan a contribui na mantene un **sistema financiero stabiel, cu likuides adecuado, y sano**. A sigui reforsa e marco regulatorio, entre otro, cu introduccion di leyman, regulacionnan y reglanan general di supervision nobo y/of revisa.
- E **posicion financiero di BCA a keda solido** den 2016. E entrada principal di BCA, cual ta ingreso for di e portofolio di inversion di divisa di BCA, a subi considerablemente durante 2016, reflehando e desaroyonan positivo riba mercado financiero global. BCA a ehecuta un maneho di inversion prudente pa provee suficiente divisa pa e sector bancario y gobierno di Aruba, como tambe pa preserva su capital inverti. Di otro banda, e gastonan di BCA a crece moderadamente como resultado di e maneho estricto di gastonan cu BCA ta aplica.

E **OPERATIONAL REPORT 2016** ta disponibel for di awe riba e website di BCA [www.cbaruba.org](http://www.cbaruba.org).